



**REPUBLIKA E SHQIPËRISË**

**KUVENDI**

*Komisioni ad hoc me 6 anëtarë për përzgjedhjen e kandidatëve*

**PROCESVERBAL**

Tiranë, më 25.05.2017, ora 10:00

**Drejton mbledhjen:**

**Vasilika Hysi – kryetare e Komisionit**

**Rendi i ditës:**

1. Konstituimi i Komisionit ad hoc.
2. Miratimi i datës për prezantimin e sistemit të votimit.
3. Miratimi i datës së trajnimit të anëtarëve të komisionit për sistemin e votimit.

**Marrin pjesë:**

Vasilika Hysi, Eduard Halimi, Flamur Noka, Ervin Bushati, Vangjel Tavo dhe Albana

Vokshi

## HAPET MBLEDHJA

**Vasilika Hysi – Mirëmëngjesi!**

Mirë se erdhët të nderuar kolegë, përfaqësues të medias dhe ju këshilltarë të Kuvendit që do të asistoni në komisionin tonë.

Në bazë të shkresës nr. 1553 të datës 24.05.2017 të Kryetarit të Kuvendit të Shqipërisë, është caktuar data dhe ora e mbledhjes së parë të komisionit ad hoc me 6 anëtarë për përzgjedhjen e kandidatëve për krijimin e institucioneve të rivlerësimit sipas ligjit nr. 84/2016 “Për rivlerësimin kalimtar të gjyqtarëve dhe prokurorëve në Republikën e Shqipërisë”.

Sikurse jeni në dijeni, Kuvendi i Shqipërisë ka miratuar përbërjen e këtij komisioni sipas propozimeve të shumicës dhe pakicës parlamentare të përbërë nga zonja Vasilika Hysi, zoti Ervin Bushati, zoti Vangjel Tavo, zoti Eduard Halimi, zoti Flamur Noka dhe zonja Albana Vokshi.

Pra, kjo është përbërja e komisionit ad hoc me 6 anëtarë për përzgjedhjen e kandidatëve.

Mbledhja e parë për konsultim e këtij komisioni është lënë sot, datë 25 maj, ora 10:00 dhe rendi i ditës do të jetë:

1. Konstituimi i komisionit.
2. Miratimi i datës së prezantimit të sistemit të votimit.
3. Data e trajnimit të anëtarëve të komisionit për sistemin e votimit.

Sikurse jeni në dijeni të nderuar kolegë, në bazë të ligjit “Për rivlerësimin kalimtar të gjyqtarëve dhe të prokurorëve në Republikën e Shqipërisë”, janë ngritur 3 komisione ad hoc, një komision për verifikimin e kandidaturave, i cili tashmë është konstituar dhe ka filluar punën e tij, duke bërë vlerësimin ose verifikimin paraprak të kriterëve formale, ligjore dhe kushtetuese. Më pas, pas mbarimit të punës së këtij komisioni që është jo më vonë se 10 ditë nga dita që është mbledhur fillojnë punën dy komisionet.

I pari, do të jetë komisioni ynë, komisioni me 6 anëtarë, i cili zgjedh kandidatët që do të vendosen në listën e konsoliduar për Kolegjin e Apelit. Ky votim në bazë të nenit 10 të ligjit është votim elektronik, çka do të thotë që Kuvendi i Shqipërisë ka bërë procedurën e përgatitjes të sistemit elektronik, të softuerit që është specifik, për shkak se ky votim do të jetë votim i fshehtë ku secili prej nesh do të votojë vetëm për një kandidat. Votimi nuk është i thjeshtë prandaj në rendin e ditës është parashikuar që ne të njihemi me sistemin, por kemi nevojë edhe të

trajnohemi dhe trajnimi do të bëhet në të njëjtën ditë me anëtarët e komisionit tjetër që do të përzgjedhë 12 anëtarët e pavarur të Komisionit të Kualifikimit, si dhe 2, ata që thuhet komisionerët publikë dhe zëvendësuesit. Pra, duke pasur parasysh se secili prej nesh do të zgjedhë një anëtar, votimi duhet të fillojë në të njëjtën kohë, duhet të përfundojë në të njëjtën kohë, sepse në rast se ndonjëri prej nesh nuk arrin dot të votojë është ajo që ne themi, që votimi ripërsëritet dhe krijon probleme. Pra, ne duhet të vendosim sot se ku do të instalohet sistemi elektronik i votimit, e para.

E dyta, kur është dita e përshtatshme për të gjithë ne, meqenëse është një periudhë shumë e ngarkuar që të trajnohemi për përdorimin e tij?

Do të doja opinionin dhe sugjerimet tuaja, në radhë të parë lidhur me sallën, dhe në lidhje me këtë unë vetë kam një sugjerim që të bëhet te Komisioni i Ligjeve. Pra, që në momentin që do të instalohet softueri, kompjuterët dhe gjithçka aty ndërpritet e gjithë veprimtaria, pra nuk do të ketë asnjë lloj mbledhje në atë komision.

E treta, ditën e trajnimit do të ishte mirë ta kishim caktuar në një ditë që të ishte e përshtatshme për të dy komisionet. Në qoftë se ju jeni dakord që ne trajnimin ta bëjmë menjëherë pas instalimit të softuerit pa harxhuar kohë dhe më pas secili të vazhdojë axhendën e tij në kuadër edhe të fushatës që kemi në pritjes të ardhjes së listës, kjo do të ishte shumë pozitive që të mos shpenzonim kohë. Si mendoni?

*(Diskutime pa mikrofon)*

Unë do të doja një përgjigje nga komisionerët se sa ditë kërkon instalimi i softuerit? Dy ditë?

Pra, në qoftë se ne themi që ditën e hënë të bëjmë trajnimin, a arrijmë dot? Sa orë kërkon trajnimi i të gjithë kolegëve?

**Ervin Truka** – Besoj se do të jetë i shpejtë, 10 minuta secili, sepse nuk është i vështirë.

**Vasilika Hysi** – Sa kohë kërkon? 1-2 orë a na mjaftojnë?

*(Diskutime pa mikrofon)*

A jemi dakord që pajisjet të instalohen te Komisioni i Ligjeve? A mendoni ju se është e përshtatshme si sallë?

Ju lutem, me mikrofon elektronika!

**Ervin Truka** – Mendojmë që salla është e mjaftueshme, është e madhe, por në varësi të fshehtësisë së votës besojmë se ndoshta mund të ishte edhe më e madhe, pasi janë 12 kompjutera, të cilët do të instalohen aty.

**Vasilika Hysi** – Ju vetë a keni ndonjë sugjerim?

*(Diskutime pa mikrofon)*

Salla e byrosë ka kamera.

**Ervin Truka** – Ne mendojmë jo për sallën e byrosë, por për sallën e madhe, sallën e grupit.

**Vasilika Hysi** – Salla e grupit, sepse duhet të jemi sa më larg nga njëri-tjetrit.

**Ervin Truka** – Sa më larg aq...

**Jonida Tafani** – Atje nuk ka incizim audio.

*(Diskutime pa mikrofon)*

**Vasilika Hysi** – Më falni, të mos harrojmë se ne kemi seancë dëgjimore me kandidatët...

*(Diskutime pa mikrofon)*

**Ervin Truka** – Për këtë pjesë....

**Vasilika Hysi** – Duhet përcaktuar. Kjo është detyra jonë.

Po, zoti Noka.

**Flamur Noka** – Që të mos i hamë kohë njëri-tjetrit me këto teknikalitete të tilla, ju, zonjë, jeni kryetare e këtij komisioni. Do të uleni të bisedoni edhe me kryetarin e komisionit tjetër për konsultim, të vendosni te salla sipër. Caktoni modalitetet, se nuk është ndonjë gjë që ka nevojë të mbajmë dhe mediet për një gjë krejtësisht të thjeshtë pa asnjë përmbajtje. Për këtë nuk ka nevojë. Vendosni, diskutoni, se teknikalitete janë, nuk është ndonjë vendim politik që ka nevojë të diskutohet kaq gjatë. E lini ditën e hënë. Pra, lëmë orarin. Vetëm të mos ketë përplasje orari me komisionin tjetër, sepse duhet të kemi parasysh që komisioni prioritar është komisioni i konstituuar para dy ditësh për verifikimin. Ai është komisioni i verifikimit. Ai është komision prioritar nga këto 3 komisione që ka ngarkesën më të madhe. Sigurisht që çdo mbledhje dhe çdo gjë jona do të varet nga ata, se edhe produkti i atij komisioni do të vijë, do të votohet këtu te ne. Kështu që konsultohuni edhe me kryetarin e komisionit, me drejtuesit e dy komisioneve të tjera dhe vendoseni. Nuk ka nevojë ta bëjmë objekt diskutimi kaq të gjatë.

**Vasilika Hysi** – E lëmë që të flasim edhe me zotin Majko, si dhe të vendosim edhe për sallën? Të vendosim dhe për ditën e trajnimit. Të hënën...

Urdhëroni, zoti Halimi!

**Eduard Halimi** -Zonja Hysi, mbledhja e këtij komisioni është në zbatim të Kushtetutës së miratuar në datën 21 korrik. Parashikohet që brenda 3 ditëve nga krijimi i komisionit të bëhet mbledhja e konstituimit. Kjo është në përputhje edhe me Kushtetutën e Republikës.

Po ashtu agjenda e komisionit, por edhe i gjithë procesi që do të vijojë deri në momentin e votimit, sipas standardit kushtetues dhe procedurave kushtetuese, vjen pas përfundimit të procesit të komisionit të verifikimit të të gjithë kandidatëve. Më pas sigurisht që do të kemi dhe seancën dëgjimore, sepse është shumë e rëndësishme që gjithë procesi i përzgjedhjes së anëtarëve, jo vetëm ai votimi që po diskutoni, 1 minutë, 2 minuta, apo 10 minuta trajnim që do t'u bëhet deputetëve, është se duhet të jetë verifikim transparent, duhet të jetë verifikim i hollësishëm i të gjithë kandidatëve para se deputetët të shkojnë të votojnë, kjo sipas procedurave kushtetuese me seancat dëgjimore.

Mirëpo pjesa e trajnimit, siç po thonë edhe specialistët, është 10 minuta. Dhe që të rrimë tani se kur do ta bëjmë 10-minutëshin, do ta bëjmë të hënën, apo të martën, nuk ka problem, por mendoj se procesi i trajnimit, por edhe i votimit do të jetë pas seancave dëgjimore që do të vijnë ashtu siç edhe do të jetë. Kështu që pjesa e agjendës që duhet të vendosim sot do të jetë në varësi të komisioneve të tjera. Teknikët bashkë me specialistët, ndoshta edhe me pronarin e kompanisë, që kanë bërë sistemin, të vijnë dhe ata. Gjithsesi teknikët të bëjnë të gjithë pjesën e instalimit të sistemit ku do të jetë. E rëndësishme thashë unë është pjesa e sistemeve audio, siç thanë dhe specialistët, në mënyrë që të dëgjohen edhe seancat dëgjimore që do të kenë të gjithë kandidatët që do të na përcillen nga komisioni tjetër. Më pas do të vendosim se kur do të jetë ai 10-minutëshi për të bërë trajnimin. Nuk besoj se ka ndonjë shqetësim.

Faleminderit!

**Vasilika Hysi** - Faleminderit!

Në fakt unë e thashë këtë gjë. Meqenëse komisionet do të jenë të mbledhura këto ditë, komisioni i verifikimit është non-stop. Duke qenë se një pjesë jona është edhe në atë komision, por edhe për të lehtësuar punën tuaj, që ju të jeni të lirë të vazhdoni, bëjmë trajnimin dhe ju vazhdoni punën. Ne, komisioni, dosjet do t'i marrë maksimumi ditën e martë ose ditën e

mërkurë. A jeni dakord që ta lëmë trajnimin ditën e hënë në orën 9:00 deri në orën 10:00? A është e mjaftueshme?

A jeni dakord në parim?

**Jonida Tafani** – *(Flet pa mikrofon.)*

**Vasilika Hysi** – Po, zoti Noka.

**Flamur Noka** – Ky është një komision shumë i rëndësishëm. Është një institucion kushtetues. Ju bëj thirrje edhe një herë të mos harxhojmë kohë me çështje teknikalitetesh kur dhe si bëhet trajnimi. Na thërrisni Ilir Beqajn me gjithë kompaninë e tij, na bëni trajnimin. Jemi dakord, nuk kemi asnjë kundërshtim. Iliri është i trajnuar, i specializuar. Të na trajnojë pak edhe ne. Ajo që është esenca e punës tonë është se neve do të na duhet shumë kohë, jo vetëm në këtë komision, kryesisht Komisionit të Verifikimit, sepse aspekti i punës përkon me një volum të frikshëm, i cili nuk di nëse do të mundemi ta studiojmë dhe ta analizojmë që të nxjerrim përfundimet, konkluzionet tona në kaq pak ditë me këtë intensitet që kemi ne. Pastaj këto çështjet e teknikaliteteve janë të çështje të thjeshta.

**Vasilika Hysi** – Zoti Noka, lidhur me afatin e Komisionit të Verifikimit, ne jemi të detyruar ta mbyllim punën brenda datës 1 qershor. Pra, jo më larg se data 1 qershor. E ka Kushtetuta, e ka ligji. Ne duhet të rrimë të punojmë natë dhe ditë në komisionin tjetër. Por unë për pjesën tjetër do të doja, që nuk janë pjesë e komisionit, që të bëjnë dhe agjendat e tyre... Pra, nuk është thjesht çështje teknike, por është edhe në respekt të kolegëve të tjerë që nuk kanë pse të vijnë, të lënë ditën, zonën, për një orë trajnim.

Dakord.

Atëherë nëpërmjet sekretarisë do të njoftoheni në lidhje me ditën dhe orën.

Faleminderit! Faleminderit të gjithë këshilltarëve! Faleminderit, kolegë!

Mirupafshim!